

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

Ethicè.

[urn:nbn:de:hbz:466:1-68709](#)

Atque hæc de Apolline seu Phœbo; cuius satellitum festivissimè describit Ovidius 2. Metam.

----- purpurea velatus veste sedebat.
In folio *Phœbus*, claris lucente smaragdis.
A dextra, lœvaque *Dies*, & *Mensis*, & *Annus*,
Seculaque, & positæ spatiis æqualibus *Horæ*.
Vèrque novum stabat, cinctum florente corona;
Stabat nuda *Æstas*, & spica serta gerebat:
Stabat & *Autumnus*, calcatis folidus uvis:
Et glacialis *Hiems*, canos hirsuta capillos.

SYMBOLVM XCII.

Saturnus,

Ex Variis.

Ethicè.

1. Saturni simulacrum. Cur senex: barba promissa? quid falx? serpens? lapis in ore? clepsydra in capite?
2. Tempus & Occasio.
3. Bonus Princeps per Saturnum indicatur.
4. Item ty-
rannus.
5. Lex magis, quam Rex, obseruanda.
6. Janus bi-
frons & quadrifons.

Cæli & Vesta Saturnus fuit filius, Opim sive Rheam (*Cybelem* alirdi-
cunt, aut *Tellurem*) sororem matrimonio sibi conjunxit. Paren-
tis fuit Jovis, Junonis, Neptuni & Plutonis. Nomen hausit à *Saturno*, eò quod devorandis filiis fuerit saturatus; aut quia Senex satur
fuit annis. Alii malunt eum à *Saturno* fuisse appellatum, quod sterco-
rationi & agriculturæ præsit, unde *Sterculius* & *Sterculinus* cognominabatur.
Græcis Σειρηνοὶ seu Σειρηναὶ, id est, *Tempus* dicitur. Fratrem habuit *Titanem*, majorem natu, qui cum parenti, ut par erat succedere deberet, ani-
madvertens tamen matrem, sororesque in Saturnum priores esse, jure
suo cessit, ea tamen lege, ne Saturnus prolem masculam tolleret (seu
educaret) sed regnum ad suam stirpem rediret. Saturnus igitur ex pa-
cto cum fratre inito, liberos suos masculos, ubi primùm nati essent, de-
voravit.



voravit. Verum cum Ops uno partu Jovem ac Junonem edidisset, Junonem quidem Saturno ostendit, Jovem vero clām nutriendum ablegavit, adhibitis interim Corybantibus Sacerdotibus suis, qui cymbalorum, tympanorūmque pulsū obstrepebant, ne pueri vagitus audiretur. Cæterūm Saturno natum recēns filium depositi, Ops lapidem ostendit pannis involutum, eūmque suum esse partum dicebat; quem ille arreptum, continuò in ventrem abstrusit. Posthac cùm Neptunum illa peperisset, eum quoque clām Saturno educandum curavit. Tertiō denique enixa gemellos Plutonem & Glaucam, hanc rursus marito monstravit, illum autem abscondit. Verūm detecta tandem fraude, ubi Titan rascivit, fratri prolem masculam fuisse progenitam, sūosque ea ratione pelli successione regni, unā cum filiis, qui *Titanes* à patre vocati, bellum aduersus Saturnum suscepit; cuius exitus is fuit, ut victoriā potitus Titan, Saturnum, Opēmque (Opim juxta quosdam) utriusque sororem in suam potestatem redactos muro incluserit, donec Jupiter adultus, devictis Titanibus, eos liberavit. Exinde Saturnus ab Oraculo didicerat, fore ut à filiis regno pelleretur, insidias Jovi struxit: sed hic iis deprehensis, patrem cælesti regno pepulit. Ille in Italiam profugit, ubi aliquamdiu apud *Ianum* regum antiquissimum latitavit: unde ea pars Italiæ *Latium* est dicta. Saturno regnante auream fuisse ætatem Poëtæ fabulantur, terrāque sua sponte, expertem vomeris & aratri peperisse fruges, communisque id temporis, & nullis distinctas limitibus, agrorum possessiones fuisse. Vide Symbolum 8.

Ethica.

I. (a) *Saturni simulacrum antiquis pingebatur homo senex, calvus, prolixā barbā, curvus, tristis & pallidus, modò nudo, modò obvelato capite; dextram armabat falx, sinistra ferebat serpentem, qui mordicus caudam apprehendens, circuli figuram repræsentabat.* Nihil horum mysterio caruit. (b) *Per Senem Tempus designabant, inter res cæteras huius orbis antiquissimum: nam reliquis intereuntibus, Tempus manet.* *Caput* modò obvolutum, modò detectum ostendit, multa tempore velari, ac velut oblivione obtagi; multa aperiri etiam tempore, quæ diu latuerunt. (c) *Barba* prolixa significat *Sapientiam*; nam juxta Thaletem, Tempus omnium est sapientissimum, quia cuncta reperit, eruitque. Eius filia est *Veritas*. (d) *Falx* illi velut ad res nascentes præputandas

(a) *Saturni simulacrum* quid indicet. (b) *Senex* (c) *Prolixa barba*. (d) *Falx*.

tandas tribuitur , cùm omnia tempore occidant & metantur. (e) Serpens orbicularis additur , quòd rebus pereuntibus , & tempora nova , & res aliae in orbem , veluti perpetua revolutione succedant , Horatius de arte Poët:

----- Mortalia facta peribunt;
Multæ renascentur , quæ jam cecidere ; cadentque
Quæ nunc sunt in honore.

Serpens in se revolutus ideo quoque Temporis signum est , quòd tacitè proserpat , & nullo edito strepitu dilabatur ; vel quòd annus seipsum fugiens , sequens instar serpentis in orbem glomeretur , inque se ipsum redeat . Virgilius :

Atque in se sua per vestigia volvitur annus.

Item hoc Symbolo exprimitur æternitas , quæ instar circuli , principio caret & fine : nulla sui parte incipit , nulla definit . Extremum vero caudæ , serpentis ori inseritur , & occultatur , quòd tempora nobis incognita & incerta sint : Præsens quippe cùm instabile sit , & velocissime transcurrat , vix percipitur ; Præteritum intueri non possumus : Futurum longè minus , quia nondum existit , & eius finis prorsus est incognitus . (f) Lapidem devoravit Saturnus , quia Tempus omnia consumit , etiam ferrum & lapides . Verè Poëta :

Septena quæ miracula
Jactabat antè mundus .
Septena sunt ludibria ,
Et nobiles chimæræ.

Etiam (g) clepsydra imponitur Saturni vertici , & alæ junguntur humeris , quo significetur velocitas Temporis . Seneca

Volat ambiguis mobilis alis
Hora.

Et Maro :

Stat sua cuique dies : breve & irreparabile tempus
Omnibus est vita.

Et Ovidius 15. Metam.

Ipsa quoque assiduo labuntur tempora motu ,
Non secus ac flumen ; neque enim consistere flumen ,
Nec levis hora potest : sed & unda impellitur unda ,
Urgeturque eadem , veniens urgētque priorem .
Tempora sic fugiunt pariter , pariterque sequuntur ,

Et

(e) Serpens . (f) Lapis pro cibo . (g) Clepsydra .

Et nōva sunt semper: nam quod fuit antē, relictum est;
Fitque, quod haud fuerat: momentāque cuncta novantur.

II. (b) Celebrata est illa Pittaei, unius è septem Græciæ sapientibus sententia: γνῶθι ναὶ γενοῦ, noveris tempus. Neque sine causa veteres Opportunitatem seu Occasionem divinitate dōnārunt. Eius deæ fuit hæc effigies: Virgo insitibet rotæ pennatis pedibus, séque ipsam in orbem ecclerrimo gyro circumagebat, priore capitis parte capillis longis hirsuta, posteriore glabra, ut illa facile prehendi queat, hac nequaquam; hinc versiculus:

Fronte capillatâ, pōst est Occasio calva.

Eius comes dicitur esse Metanea seu Pænitentia: nam semel elapsam frustra suspires, revocésque. Quapropter Theophrastus, Laërtio teste, semper in ore habebat, nullum esse sumptum pretiosiorem tempore. Egregie de hoc argumento Seneca epist. 9. Ita fac, mi Lucili, vindica te tibi, & tempus, quod adhuc aut auferebatur, aut surripietur, aut excidebat, collige & serva. Persuade tibi hoc sic esse, ut scribo: quædam tempora surripiuntur nobis, quædam subducuntur, quædam effluunt: turpissima tamen est jactura, quæ per negligentiam sit. Omnia aliena, tempus tantum est nostrum. Ad premium Temporis indicandum Antiqui tres diei partes hoc modo repræsentabant. Tres virgunculæ, id est, Hora ad cæli fores excubandi servant vices. Prima est Aurora, veste rubicunda, clepsamidion, quod fluere incipiat, tenens manu. Secunda Meridies, candido habitu, sciothericum, seu horologium Solare dextrâ præferens. Tertia, Vespera, spadicea veste, horologium rotatile gestans ponderibus devolutis. Qui sapit, labentes arenulas, fugientem umbram rotularum devolutionem observat tempestivè. Seneca lib. 1. de benef. c. 3. Scribit, Charites five Gratias & Horas (quæ occasionis sunt Symbolum) iisdem parentibus esse prognatas, scilicet Jovis & Eurynomes (nempe Themidis seu Pulchra Legis) filias esse; Horas quidem Seniores, Gratias vero juniores: ut significanter Veteres, Gratias Horis, id est, occasiō quasi subesse, abque ea pendere, adeò ut dilationem non ferant, sed horis opportuniis præstari debeant aut admitti. Siracides monet c. 14. Non defrauderis à die bono, & particula boni doni (alii legunt, boni diei) non te prætereat. Græcè μηδὲ ἐπιθυμίας αἴγαθης, particula boni desiderii, quasi dicat: In hac vita brevi quia curris ad aeternitatem, cave ne illa verorum bonorum cupido, tibi à Deo immissa, tuō vitiō cadat irrita & cassa.

Bbbb 2

(i) III.

(b) Tempus & Occasio

(i) III. Saturnus, inquit Festus, inter veterinos Italæ deos collitur, qui frugum Repertor, quicunque eas gentes primus docuisse creditur fationes. Fuit autem antiquorum hominum tanta simplicitas, ut venientes ad se advenas (quemadmodum Saturnus ad Janum venit) qui modò consilio atque sapientia prædicti ad instruendam vitam formandosque mores aliquid conseruent, quod eorum parentes atque originem ignorabant, *Cœlo & Terra* editos non solum ipsi crederent, verum etiam posteris affirmarent: velut hunc ipsum Saturnum, *Cœli & Terræ* filium esse dixerunt. Aurelius Victor de orig. gentis Rom. De Saturno Maro 8. Æneid.

Primus ab ætherio venit Saturnus olympos,
Arma Jovis fugiens, & regnis exul ademptis.
Is genus indocile, ac dispersum montibus altis
Composuit, legesque dedit, Latiumque vocari
Maluit, his quoniam latuisset tutus in oris:
Aureaque (ut perhibent) illo sub rege fuere
Sæcula: sic placida populos in pace regebat.

Ennotas boni ac sapientis Principis in Saturno, de quo Justinus lib 43. Italæ cultores priui Aborigines fuere? (quasi sine origine, quod eorum majores nescirentur) quorum Rex Saturnus tantæ justitiae fuisse traditur, ut neque servierit sub illo quisquam, nec quidquam private rei habuerit: sed omnia communia & indivisa omnibus fuerunt, velut unum cunctis patrimonium esset. Ob cuius exempli memoriam cautum est, ut feriis Saturnalibus exæquato omnium jure servi cum dominis recumbant. Hæc ille.

IV. (k) Alii per Saturnum exprimi volunt tyrannum avarum, superbum, crudelem, qui in suummet sæviat sanguinem, gaudeatque aspergi subditorum cruento: qua de causa Carthaginenses usque ad excidium suæ urbis pueros ingenuos Saturno immolabant, autore Curtio de gestis Alexandri. Fingebar ejus statua ærea, manibus porrectis; sub ea fornax succendebatur; puer brachiis insertus, dum lento ignis vapore contrahebatur & torrebatur, ridentis speciem exhibebat: tibiis interea & tympanis concrepantibus, ne ejulatus exaudiretur. Atque hoc ipsum est, quod alibi diximus pravæ educationis symbolum. Nam dum puer manibus, ut dicitur, gestatur, dum sinu' fovetur, dum indulgenter nimis & molliter habetur, quasi ridendo & canendo suaviter in brachiis

com-

(i) Bonus Princeps. (k) Tyrannus.

comprimitur, & quasi catulus simii amando suffocatur. De hoc idolo
sepius fit mentio in divinis litteris, & Moloch appellatur.

Saturnum quoque exprimunt, quicunque tyrannice regnant, qua-
les sunt turpissimi Mahometis sectatores, qui regnandi libidine, non
aliter quam lupi grassantur in fratres, filios, parentes.

Pulsus à Jove Saturnus, & catenis adstrictus in tartaro, ut aliqui
poëtarum fingunt, indicat, justo denique talione poenas dare sangu-
fugas, & crudeles innocentum oppressores.

V. (e) Sed quomodo sub Saturno sanctissima legum majestas,
& vis aequitatis viguit, quod supra indicavimus, cum ipse necando fi-
lios, ipsius naturæ vincula tam nefariè violarit? Respondens Mytho-
logus lib. 2. c. 1. At illud, inquit, scire convenit, homines tunc sim-
plices, non ad Saturni exemplum vivere solitos, sed ad legum ab ipso
institutarum rationem. Semper enim fuit is regnantium furor, ut cum
vel filius, vel frater, vel conjunctus in aliquam suspicionem inciderit,
corrunt è vestigio omnia naturæ vincula, nec quidquam magis pericu-
losum est, aut minus constans, quam regnantium amicitia. Huc ac-
cedebat, quod homines in imperio constituti, severissime cæterorum vi-
tia puniant, quibus ipsimet sunt obnoxii, neque comites habere scelerum
facile patientur. Quod vero aurea Saturni ætate, flumina lactis & ne-
ctaris fluxisse, damas cum canibus, oves cum lupis lusisse feratur; signi-
ficarunt veteres, tunc temporis viros bonos, legum patrociniò tutos à
sæariis & rei alienæ raptoribus fuisse, rectumque magis sua sponte,
quam Principum ductu & exemplo coluisse.

VI. (f) Quod autem Saturnus in exilio non tantum ipse super-
bos & feroce spiritus deposuerit, sed etiam in genus humanum bene-
ficus, sationem primus docuerit Italiae incolas; docetur, rebus adver-
sis mitigari ingenia aspera, & à necessitate bonas extundi artes. Hospi-
talitatis quoque preium, insignie tulit Janus, dum fruges noviter in-
ventas fertili segete messuit, & post mortem inter deos translatus est,
templumque habuit Romæ, à Numa Pompilio positum, quod tempore
belli patebat, tempore pacis cludebatur; unde *Patulcius* & *Clusius* co-
gnominabatur. *Bifrons* etiam fuisse dicitur, quod ætatis suæ pruden-
tissimus præterita sciret, & futura prævideret. Veleiam, quod tempo-
rum Præses, annum aperiat & claudat. Vel, quod Principi necessaria
sit prudentia, quam bello & pace pvideat, perpendatque, quid è re sit.

Bbbb 3

Un-

(e) Non tam Rex, quam lex pro exemplo habenda. (f) *Ianus bifrons*, aut *quadrifrons*
enjus rei Symbolum.

*Unde quidam Janum quadrifrontem fecere, quasi in quatuor mundi plaga oculos, animumque vertentem; ne quid improvsum accidat, eveniatque. Sunt vero quatuor maximè partes Prudentia. 1. *Astutia* mentis, quā rebus in dubiis cautum captatur consilium, & acutè dispicitur ac dijudicatur, quid bonum, quid malum, quid inutile, quid commodum sit. *Versutia* nomen assumit, cùm in malum, & varias simulationes se contulerit. 2. *Memoria*, quā repetit animus, quæ fuerunt, ut ex præteritis sapiat. 3: *Intelligentia*, per quam persciuntur, quæ cuique rei tractandæ convenientia; cuius contrarium *Ignorantia* & *Socordia*. 4. *Providentia*, quæ futura spectat, mature consilium capit vel bona persequendi, vel mala avertendi, aut æquo animo tolerandi. Plura possent de Saturno, ejusque hospite Jano afferri, nisi redirent aliis locis, hic dicenda. De Planeta, cui Saturno nomen, nihil attinet meminisse; cùm ejus natura, constitutio, circumvolutio, effectus magis pertineant ad Mathematicos & Physicos, quād ad Poëtas & Ethicos, ad quos Symbola nostra referimus. Libet de Saturno falcato sene, & infantem devorante, breve carmen apponere:*

Annorum dirus pater, Annorumque necator,
Quæcunque ediderit Tempora, Tempus edit.
Magnorum largitor opum, largitor honorum,
Omnia quæ donat, devorat iste senex.
Heu quid opes, quid regna? tuum nihil est nisi virtus:
Hic vorat illa senex; hunc vorat ista senem.



SYM-